

Մաքրենք այգին



**«Ո՞ւմ կարող ենք հրավիրել
օգնելու մեզ»:**

Լյուսի Սթիվենսոն Էվել

(Հիմնված է հրական պատմության վրա)

Այս պատմությունը տեղի է ունեցել Անգլիայում:

Հովանն ավարտեց ուտելիքի վերջին
Հատառոտը և ժպտաց: Ընթրիքը միշտ
ավելի զվարճալի էր լինում, երբ գալիս
էին միսիոներները:

«Մենք ցանկանում ենք ձեզ
հետ կիսվել ծառայության մասին
ուղեորով», - ասաց Քույր Քերլը: «Ինչո՞ւ է
կարևոր ծառայել ուրիշներին»:

«Քանի որ դա ուրախացնում է
Հիսուսին», - ասաց Էլիզան՝ Հովանի
փոքր քույրը:

«Դու հրավաճի ես: Դա Նրան շատ
է ուրախացնում: Եվ երբ մենք օգնում
ենք ուրիշներին, դա մեզ նույնպես
ուրախացնում է», - ասաց Քույր Քրիս-
թենսենը: «Դուք գիտե՞ք որևէ մեկին, ով
օգնության կարիք ունի»:

Հովանը մի պահ մտածեց: «Ես չեմ
կարողանում մտաբերել որևէ անձնա-
վորության, բայց մեր դպրոցի այգին
օգնության կարիք ունի»:

«Հրաշալի գաղափար է», - ասաց

մայրիկը:

Հովանի դպրոցն ուներ այգի, որտեղ
Նրանք կազմակերպում էին բացօթյա
միջոցառումներ: Բայց երկար ժամա-
նակ ոչ ոք հոգ չէր տարել այգու մասին:
Թփերը չափից շատ էին մեծացել: Այգին
լցված էր նաև մոլախոտով:

«Մենք կցանկանայինք օգնել ձեզ այդ
հարցում», - ասաց Քույր Քերլը: «Ո՞ւմ
կարող ենք հրավիրել օգնելու մեզ մաք-
րել այն»:

«Մեր զարմիկներին», - ասաց Հակոբը՝
Հովանի եղբայրը:

«Եվ Երեխաների միության մեր
դասարանին», - ասաց Հովանը:

Հաջորդ օրը մայրիկը դպրոցում խոսեց
մեկի հետ, որպեսզի թույլտվություն
ստանար: Այգին մաքրելու համար Նրանք
մի օր ընտրեցին: Ապա մայրիկն օգնեց
Հովանին և իր քրոջն ու եղբորը՝ կանչե-
լու Նրանց զարմիկներին և Երեխաների
միության դասարանին:

Կարծիք: Ստանդարտ:

Մի քանի շաբաթ անց, Հովանը և իր
ընտանիքը հանդիպեցին միսիոներնե-
րին դպրոցում: Այնտեղ էին նաև Նրանց
զարմիկներն ու Երեխաների միության
ընկերները: Գործի անցնելու ժամանակն
էր:

Հովանը հագավ մի զույգ մեծ ռետինե
այգեգործական ձեռնոցներ: «Նայի՛ր,
մայրիկ: Ես մեծ ձեռքեր ունեմ»:

Մայրը ծիծաղեց: «Այդ մեծ ձեռքերով
դու կարող ես էտել թփերը»:

Նա Հովանին տվեց էտելու գործիքը,
որը նման էր մի մեծ մկրատի: Ապա նա
օգնեց որդուն կտրել չորացած ճյուղերը:

«Սա զվարճալի է», - ասաց Հովանը:

Մինչ Հովանը էտում էր, Էլիզան
օգնում էր փորել այգին: Հակոբն օգնեց
հայրիկին Նոր բույն պատրաստել թռչուն-
ների համար: Մյուսները հավաքում էին
մոլախոտը և հավաքում փայտերը: Այդ
ամենը Նրանք հավաքում էին պոլիէթի-
լենային մեծ տոպրակների մեջ: Նույնիսկ

Հովանի կրտսեր եղբայրը՝ Էզրան,
օգնում էր քարեր հավաքելով:

Շուտով այգին մաքուր էր: Հովանը
հաշվեց իրենց լցրած տոպրակները:
«Ահա 13 տոպրակ», - ասաց նա: «Մենք
շատ աղբ հավաքեցինք»:

Քույր Քրիսթենսենը ժպտաց: «Այժմ
մենք ունենք բոլորի ուժեղ մկանների
կարիքը, որպեսզի օգնեն մեզ տեղափո-
խել տոպրակները մեքենայի մոտ»:

Հովանը, Հակոբը և Էլիզան վերց-
րին մեկական տոպրակ: Հովանը շատ
երջանիկ էր, երբ վերջինը մոտեցրեց
մեքենային: Միսիոներներին օգնելը
զվարճալի էր: Նա ցանկանում էր մի
օր նույնպես միսիոներ լինել: Մինչ այդ,
կային բազմաթիվ ուղիներ, որոնց նա
կարող էր ծառայել: Նա անհամբեր սպա-
սում էր իր հաջորդ նախաձեռնությանը: ●

Դուք ի՞նչ կարող եք անել, որպեսզի օգնեք
ձեր շրջապատում: